

3.  
7231

Q. D. B. V.

De

MAGIA DÆMO-  
NIACA  
DISQUISITIO, PHYSICA,

quam

*In Illustri VVittenberga*

P R Æ S I D E

M. JOHANNE VVERGER Lubec.

Publicæ exponit συζητήσεις.

NICOLAUS SCHMIDT Lubec.

Anno 1657. Sept. XXX.

In auditorio minori. Horis pomeridianis.

---

WITTEBERGÆ,

Literis OELSCHLEGELIANIS.

A. 5093.

Q. D. B. W.  
MAGAZINE  
DISCUSSIONS

M. JOHANNES WYFGER  
NICHOLAS SCHWIGT


WITTEBOEK  
In de ...





Πεγαύλιον.

**M**Ultum sanè interest, novisse, quid distent æra lupinis, & quomodo arcana naturæ differant ab operibus Sætanicis. Mirandum certè, irrepsisse multorum animis illam opinionem, ut, quæ magia naturalis ope, id est, ex viribus naturæ peraguntur, ea sphaera diabolica adjudicent: contra verò illa, quæ unicè demonem causam agnoscunt, viribus naturalibus adscribant. Sic imperitum vulgus nequit adduci, ut credat, fimum columbinum, etiam gelu intensissimo, posse tecta domosq; incendere naturaliter: posse Mahumetis feretrum ferreum hæcere in medio aere suspensum. Docti autem, qui rerum naturalium scientiâ sunt instructi, rident vana hæc vulgi commenta, causasq; horum in ipsa natura investigant. Noverunt, in magnete latere vim, quâ attrahit ferrum; noverunt, fimum columbinum abundare igniculis, qui, dum resistunt hosti, frigori, congregantur, donec in flammam erumpant. Sic contra non excedere vires naturæ autumat plebs, quando per unguentum armarium vulneratus, vel per multa millaria absens pristinae sanitati restituitur. Sic verbis, ligaturis &c. inesse putat vim naturalem morbos vel inferendi vel auferendi, vel res furto surreptas recuperandi. Sed putat! Nos diabolica talia proclamamus. Ipsi Ethnici, quorum animi densissimis errorum tenebris erant involuti, verticem quasi consecuti erant in magia demoniaca, cujus varias species vide sis ap. Meisn. philos. sobr. part. 2. Nos vires nostri ingenii circa præsentem materiam periclitabimur, visuri, quomodo demoniaca Dæmoni, naturalia causis naturalibus vindicare possimus. Tu, gloriosissime Deus, nostris adsis conatibus!



# THESIS.

## *Magia Dæmoniaca suas habet species.*

§. I.



Uid sit Magia Dæmoniaca, partim ex ipsâ appellatione, partim ex opposito ejus, magia naturali satis superque liquet. Nempè est privatio habitus, quem in mancipiis suis supplere conatur Dæmon. Horrendum enim est dictu, quosdam homines eò malitiæ procedere, ut auxilium diabolicum implorare in quibusdam non vereantur. Sic quidam spiritibus utuntur familiaribus, quos vitris, thecis, annulis, crySTALLIS, aliisque ergastulis includunt, ut ope artis hujus dæmoniacæ maximam sibi acquirant scientiam, imò rerum omnium peritisimi fiant. Quid? quod ulterius progrediantur, & sæpè admiranda opera ope Satanicâ producant, quod proh dolor, non sine magno detrimento experiri mortales sæpius coguntur. Ut cum varias cient tempestates, jumentis damnum inferunt, fruges in agris lædunt, imò infinita alia præstant. Non autem per se & directè magiæ dæmoniacæ tractationem hîc suscipimus, cum tantum reductivè pertineat ad forum & campum physicum, sed indirectè tantum, prout opponitur privativè magiæ nostræ naturali: Opposita namque juxta se posita magis magisque elucescunt. Accedit, quod vulgus sæpius, quæ vi Satanicâ peraguntur, sphaeræ physicae esse



esse existimet. Physicus itaque naturalia à dæmoniacis, vera & legitima à spuris & falsis discernere debet. Sic quando corpora redduntur inconspicua, quando homines ictus & tela absque ullâ noxâ & detrimento excipiunt, id unice magiæ dæmoniacæ erit adjudicandum.

### *Magia divinatoria.*

#### *§. 2.*

Ad primam hujus Magiæ classem reducimus divinatoriam, quæ est rerum abditarum ope dæmonis parta cognitio. Notanter autem addimus verba *ope dæmonis*. His enim distinguitur præsens divinatio à divinatione naturali, quando ex sedulâ causarum Physicarum observatione effectus futuros quodammodo prævidemus & prædicimus. Sic Meteorologi & Astrologi eclipses, tempestates, præscire optimè possunt. Vident enim nubium dispositionem, hinc pro varietate harum cælum vel idum vel sudum prænuntiant; Prævident certò temporis puncto futuram interpositionem lunæ cum terra, item solis cum terra, hinc solarem & lunarem Ecclipsin prænuntiare possunt. Estq; illa divinatoria magia rursus duplex, vel *subtilis* vel *crassa*. Respectu illius Diabolus se transfigurat in angelum lucis, respectu hujus est spiritus tenebrarum. Ad priorem pertinent oracula gentilium, quando in rebus dubiis suos consulebant Dædros, qui nonnunquam vera prædicebant, nonnunquam etiam dubiis verbis sua implicabant responsa. Verum quidem est, dæmonem futurorum notitiam posse haberi: experientissimus enim est Physicus, novit exactè connexionem causæ cum effecto, novit stellarum in hac inferiora influentiam, novit totius cæli cum sublunaribus amicitiam & societatem. At quæ non supponunt causas tales naturales, novisse neutiquam potest. Hinc dubia illa responsa profert, ut tutius lateat, famamq; afferat suam, quomocunq; etiam res velit cadere. Huc spectat, quando homines literati sub nomine spiritus familiaris

cum Diabolo occultè rem habent, qui ipsos in percipiendis rerum qualitatibus, in cognoscendis disciplinis Philosophicis mirificè instruit, quicq; ipsis, quæ in diversis regionibus, locisq; remotissimis fiunt, revelat & manifestat. Elegantissimè totum negotium de spiritibus familiaribus perstrinxit *B. Meisn. Phil. sobr. part. 2. sect. 2. p. m. 420. 41.* ubi modum quoq; uberius descripsit, quando spiritus tales alliciuntur. Huc spectant *ἱεροσκοπία* id est, extispicina, quæ erat consideratio intestinorum in hostiis immolandis, ex quibus vel de Numinis irato vel benevolo animo certiores reddebantur homines: *ὀρνιθομαντεία*, id est, aruspicina, quando ex avium cantu, volatu mira prænunciabant. Hinc Virgilius. *Sapè sinistra cavâ prædixit ab Illice cornix.* *Γαιουμαντεία*, quando ex terræ motibus, scissura, voragine, reliquisq; impressionibus futura præmonstrabant. Plures divinandi modos adducere pagellæ ratio vetat, infiniti illi fuere, Conferatur *Excell. Dn. Sperling. Instit. Phys. lib. 2. p. 369. B. Meisn. in citato loco & Peucerus in libello suo de divinat*: Ad posteriorem pertinent *νεκρομαντεία*, quando manes & animæ mortuorum vel per certa verba, vel per adjurationes ex inferno evocari putabantur, ut res futuras annunciarent. Cujus abominandæ magiæ exemplum in sacris deprehendimus 2. Reg 28. ubi Pythonissa Samuelem produxit, ut statum Saulis futurum prædiceret. *Λεκανομαντεία*; quando aureas & argenteas laminas in pelvim aqua repletam imponebant, postea certis verbis pronunciatis, dæmon evocabatur, mox sonitus tenuis audiebatur, qui erat signum adventantis Diaboli: *ὕδρομαντεία*, *νευρομαντεία*, *κοσμινομαντεία* &c.

### *Magia præstigiatoria.*

#### *§. 3.*

Est operum admirandorum, sed apparentium auxilio diaboli productio. Tota namq; res præstigiiosa est, & glaucoma oculis adspectantium objicitur, quicquid etiam producat.

Sic



Sic Erfordia Monachus quidam currum fano adimpletum unâ cum equis currum trahentibus devoravit uno vel altero rictu, magnâ hominum copiâ præfente, mox rusticus extra urbem currum suum, equos & fenum invenit: Nempè potuit Satan modo celerrimo objectum verum removere, & aliò transportare, cum sit πολυδαίμων, dolisq; instructissimus. Triplici enim potissimum ratione magia talis præstigiatoria fieri solet, vel objectum verum removendo, vel objectum falsum ponendo & deniq; sensus hominum pervertendo. Huc spectat λυκανθροπία, quando homines in lupos converti posse putantur, quam multi firmissimè tenent, non tantum per Livoniam & Lapponiam, quibus in locis dæmon sapius tales præstigiatorias actiones exercet, sed etiam per nostram Saxoniam. Hinc rurî degentes istis duodecim diebus natalitia Christi proximè insequentibus domus suas claudunt, & januarum crueis figuram inscribunt, existimantes, istos λυκανθρώπους isto tempore per agros oberare, in pecora irruere, damnumq; hominibus inferre. Nos non erimus operosi in demonstrandâ hujus conversionis impossibilitate, cum antehac peculiari quadam disputatione figmentum hoc repudiaverimus. Ex modo, quo fiat illa transmutatio, satis superq; liquebit futilitas totius negotii, imò αδυναμία. Describitur modus hic à Peucero, nempè quod primitus congregentur illa diaboli mancipia, post animæ eorum egressæ è propriis domiciliis in lupina involent corpora, & ab iisdem præstituto tempore circumferantur, Tandem verò reuniantur cum pristinis suis corporibus. At quilibet videt, ecstasi quadam ope Satânica corripì istos homines, sensusq; eorum perverti penitus, ut suas animas migrasse in lupina corpora certò certius sibi imaginentur. Quid enim illa animæ abreptio & reunitio cum pristino domicilio aliud infert quam veram resurrectionem, quæ Satânica activitatis sphæram longissimè transcendit. *Casmannus in ψυχολ. part. 2. p. m. 61.* hæc conversionis hujus media adducit, nempè recitari ordine certa verba, vel hominem sese balthæo quodam circumcingere, & paulò post animam è suo evolare habitaculo. Quæ omnia solâ tantum recensio.

censione ἀδυναμίαν huius transmutationis evincunt. Hūc referimus Magos Ægyptios, qui præstigiis diabolicis baculos in serpentes mutarunt Exod. 7. quæ immutatio non fuit vera & miraculosa, sed omni procul dubio magica & præstigiatoria. *Vide pneumat. Plur. Rev. & Excel. Dn. D. Scharffii, l. 3. q. 4. pag. 185.* His accensenda nocturna comitia, quæ peragunt in monte Bructerorum (Bloßberg) ubi sagæ & veneficæ fatentur, animas earum à corpore abreptas commensationibus ac tripudiis indulgere, ubi statim absurditas conspicitur, dum animæ, quæ est spiritualis naturæ, istius modi actiones adscribuntur, quas non nisi conjuncta cum corpore exercere valet. His annumerandum, quando ex foraminibus parietum, ex baculis aliisque rebus siccissimis lac emulgent magæ.

### *Magia Effectoria.*

#### §. 4.

Tertiam magia effectoria absolvit classem, estq; admirandorum operum realium auxilio diaboli productio. Mirari hīc necessum habemus supremi Numinis longanimitatem, quod non solum permittat Diabolo præstigiis suis homines fallere, verum etiam reales quosdam effectus sistere, vel per se ipsum, vel per suos ministros & assecclas. Respectu personarum, circa quas tendunt Dæmoniacæ hæ operationes, potest dispesci in *utilem & perniciosam*. Est autem utilis in eo potissimum sita, ut ab hominibus, quibus favent, abigant mala, curent vulnera, morbos, ad quæ præstanda certis utuntur mediis venefici & magi, quandoq; verbis, versibus & sententiis, e. g. ad morsum canis rabidi hæc pronunciant verba. *Hax, Pax, Max Deus Adimax*, quandoq; figuris geometricis, numeris aliisq; incantationibus. Huc pertinet, quando pronuntiatis certis verbis, seras referare valent, quod sæpius fieri assolet, & non ita pridem hīc Wittebergæ à malefico quodam factitatum fuit. Ita Diabolus fascinat & præstringit humanas men-



mentes, ut vim istam inhærere rebus istis firmissimè sibi persuasum habeant, earumq; applicationem omnium subsequen-  
tium effectuum causam esse. *Noxia & perniciofa* in illo confi-  
sit, ut perdant fruges, excitent ventorum horrenda murmura,  
damnum inferant hominibus pariter atq; pecoribus, nihilque  
eorum intermittant, quæ ad detrimentum aliquod vergere  
possunt. Sic in Islandia maxima ferè hominum pars commer-  
cia & pacta cum Diabolo init, & ferè quotidie magicas incanta-  
tiones exercet, ita ut iis, qui levisissimam aliquam injuriam illis  
intulerunt, gravissimum damnum immittant, immis-  
sis vermibus per fascinationem & erucis in crura, brachia, pedes, quæ  
ad mortem usque vexant misellos istos homines. Et quid lon-  
ginqua memoro, cur non eorum potius, quæ ante pedes  
sunt, mentionem injicio. Ipsæ Magæ apud nos ac veneficæ  
torturis subjectæ sæpius confessæ fuerunt, se non nunquam  
hominibus innocentissimis vehementer nocuisse suis fascina-  
tionibus, ut mens meminisse horreat horrendas illas incan-  
tationes. *Pergendum ad quæstiones.*

## QUÆSTIO I.

*An naturaliter hominum corpora inconspicua, & à  
ferri, & globulorum ictibus immunia reddi  
queant. N.*

**D**iabolica res penitus est, & à viribus naturæ nullo modo præ-  
stari potest, ut aliquis suum corpus indurare, seq; homi-  
num conspectui subducere valeat. Commertium cum dæmone  
ineunt, & amicam cum eo conspirationem alunt. Nonnun-  
quam etiam accidit, ut incautis talia instillentur mentibus &  
inscii quidam mediis istis, ut herbis & verbis utantur, ita ut ef-  
fectus, quem intenderant, subsequatur. Neque hos à com-  
mercio Diabolico in totum absolvimus. Fædus hic adest im-  
plicitum & professio tacita. Quod primum concernit de cor-  
pori-

poribus inconspicuis fieri id nullatenus potest. Color namque in objecto sensili semper manet, cum sit objectum visus proprium. Hujus quoque species visibilis necessario recipitur ab adstante, si nempe medium sit legitimum & organum rectè dispositum. Diabolus Ergò vel objectum motu quodam celerissimo amovet ab adstantium adspectu aut oculos hominum fascinat & præstringit. Quod alterum attinet, novimus, naturaliter ad ictum vehementiorem dissolutionem continui sequi solere: Imò actiones humanae impedirentur, & homo planè ineptus esset ad expedienda sua negotia, si durum ipsi esset corpus: Quod satis superque deprehendimus hiberno tempore, quando enim manus ob inclementiam aeris obriguere difficulter suum officium exequentur, Diabolum potius existimamus ictus illos excipere vel averruncare ab hominum corporibus. Elegantissimè de his scribit *Excell. Dn. Sperling Instit. Phys. pag. 376.* cujus cum verbis concludimus. *Diabolus ipse comædie hujus auctor est, ictus suscipit, mundumq; credulum ad se allicit, ut corpora cum animabus in præsentissimam trahat perniricem.*


## QUÆSTIO II.

*Quid de congressu dæmoneum cum Magis,  
eorumq; generatione sit tenendum?*

**H**enricus Nicolai in tract. de magicis Actionibus, alique nonnulli existimant, dæmones verè generare, verumque cum magis & veneficis effectum producere. Nos autem isti sententiæ per omnia subscribere non possumus, certis adducti fundamentis. Congressum admittimus quidem verum, quem dæmon in assumpto corpore habet cum spurcissimis istis vetulis, at generationem hinc esse veram, pernegamus. Argumentum primum desumimus ex absentia formalis rationis, quam alias agnoscit generatio. Consistere autem generationem in commu-  
nica-



11  
nificatione formæ, sote splendido splendidius est. Quomodo  
dæmon in congressu tali abominando communicabit formam,  
quæ informet corpus, cum ille ipse destituatur tali forma, Nam  
respectu corporis istius adsumpti sese habet non per modum  
formæ informantis, sed tantum assistentis. *Secundum desu-*  
*mirus ex absentia seminis.* Generationem à semine dependere  
proximè extra dubitationis aleam positum est. Ubi itaque  
deest semen, ibi vera generatio locum habere nequit. Quod  
autem dæmonibus materia generationis, nempe semen, desit,  
ex eo constabit, quod sint spiritus. Urgent hic, generationem  
absolvi per surreptum semen. Sit ita, non tamen generat dæ-  
mon, sed ille potius, à quo est emissum. Accedit, quod tale  
surreptum semen sit planè ineptum ad generationem, spiritus  
enim amittuntur, qui sunt fecunditatis autores, dum aliò trans-  
fertur. Videntur autem obstare fatus supposititii, qui dæmo-  
nem originem & causam agnoscunt. Sed res est in salvo. Non  
sunt physicus aliquis effectus, non adest ibi forma quædam in-  
formans corpus. Diabolus uterum sagarum facili negotio in-  
flare, ex sanguine & semine veneficarum corpus aliquod elabo-  
rare potest, cui postmodum ipse tanquam forma assistens,  
assistit, suasque operationes per istud corpus ex-  
ferit. Ita diabolus nihil non tentat, quod  
cedere queat in humanæ gentis  
perniciem.



**I**ta est. Et tantum fluunt feliciter  
Conamina sua cuncta, cui maxima  
Curæ est piè timere Numen, ut decet,  
Comitesq; sunt fervens studium, amatus labor  
Ordo bonus. Quæ cuncta dum consecras tuis  
Studiis, AMICE & publicè monstras, opus  
Pergis tuum laudabilis. Cui gratulor  
Patriq; cui Natus, dies piè locans.

Quò amico affectu gratul.  
deprop.

**CONSTANTINUS Ziegra**  
SS. Th. Lic. Coll. Phil. Adj.

---

**S**ic est! Mens generosa nequit subsistere,  
nescit  
Repere humi, nullo ponit levidensia censu:  
Alta sapit, causas ipsas molimine magno  
Indagat rerum, quid distent æra lupinis  
Explorat, quærit, quid sit discriminis inter  
Mirandos rerum effectus, & Dæmonis æya.  
Hoc dum conaris jam, SCHMIDI, foricis  
instar

Inge-



Ingenium prodis, te vilibus alta relictis  
Quærere: Felici semper sic alite perge,  
Et messem cernes olim latissimam honoris

P R Æ S E S.

---

Ad  
*Pereximium atq; Eruditissimum*

**Dn. RESPONDENTEM**

**Amicum** jugiter colendum & consalaneum  
suavissimum.

**Q** *Veris & inquiris Magicas sapienter in  
artes,*

*Scilicet hoc magna sedulitatis opus.  
Hinc meritò exornat solitam vox docta ca-  
thedram,*

*Et doctè tanto digna labore docet.  
Miramur, meritoq; novo gratamur honori:  
Sic labor & virtus premia digna ferunt.*

*Gratulabundus scrib.*

**ANDREAS Offner**

*Northufanus.*

**I**nfamis Magices, dum defendere laboras  
Natura & lacris, Dulcis Amice, Theses,  
Præsides sub Docto, Congrator & auguror, inde  
Perpetuæ ut mortis nescia Fama Tibi.

Pereximio & Præstantiss. Dn. Resp. Consalino  
ac Contubernali suo percharo, vo-  
tivo adjicere calamo

L. Mq. V.

GEORGIUS BOLENIUS

Nordâ - Frisius.

**I**ngenii monstras dotes & dona decora  
Dum sacra Parnassi pulpita ritè petis.  
Perge ita, nec deerit quin det tibi premia Phæbus  
Perge ita, ut excelsum verberet astra caput

Ita applaudere PræEximio atq; Doctissimo Dn.  
Respondenti Fautori & Afini suo  
æternum colendo voluit  
debuit

GEORGIUS GREEN

Holfatus.

**S**edula mens nunquam novit vitare labores,  
Sed semper promptâ stat vigil esse manu.  
Hoc tuus, O Schmidi! docet ardentissimus ardor  
Æternum gaudens accumulare decus.

Perge



Perge ita sacratas venerari ritè Camœnas,  
Nec deerit studiis aurea præda tuis.

L. M. Q. F.

CHRISTIANUS CRUSIUS

Crempâ Holf. LL. Stud.

---

*Ad præstantissimum*

Dn. RESPONDENTEM

Amicum & Consalinum honorandum,

**I**ngenii dotes, quæ te cumulavit Apollo,  
Pulpita dum scandis, non sine laudè refers.  
Perge bonis avibus, specimen sectare frequenter  
Virtutis veræ, digna brabea feres.

JOHANNES LEO Beyen-

fletha Holfatus.

---

**M**Uſarum pavisse juvat sic nectare mentem,  
Sic Sophies calcanda via est, scandendaq; summa  
Culmina virtutis, doctæq; ad templa Minervæ.  
Præmia quæ Smid I? Sunt nosse arcana Magiæ,  
Solvere fallacis tricasque dolosque cohortis.

*Gratulabundus exedicator*

GERHARDUS WICHMAN

Lubecensis.

FINIS.